



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-1556/23

Datum:17.04.2023. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. i 89. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14 i 59/22), na svojoj 48. sjednici održanoj dana 17.04.2023. godine, donosi

ODLUKU

o izboru najpovoljnijeg ponuđača za nabavku
medicinskih rukavica – LOT 1 HIRURŠKE RUKAVICE

Član 1.

Okvirni sporazum za nabavku medicinskih rukavica – LOT 1 HIRURŠKE RUKAVICE, za JU «Dom zdravlja» Zavidovići za 12 mjeseci, dodjeljuje se ponuđaču **PRO-TEN MEDICAL D.O.O. GRAČANICA.**

Član 2.

Ponuda ponuđača Pro-ten medical d.o.o. Gračanica u provedenom konkurentskom zahtjevu za dostavu ponuda, imala je najnižu cijenu, te će se ovom ponuđaču ponuditi Okvirni sporazum za nabavku medicinskih rukavica – LOT 1 HIRURŠKE RUKAVICE, za JU „Dom zdravlja“ Zavidovići, u ukupnom iznosu od **1.680,00 KM bez PDV-a**, a što sa PDV-om iznosi 1.965,60 KM sa PDV-om.

Član 3.

Izabrani ponuđač će morati dostaviti original ili ovjerene fotokopije kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 4.

Izabrani ponuđač ne mora dostavljati ovjerene fotokopije sljedeće kvalifikacione dokumentacije:

a) rješenje o registraciji ili aktuelni izvod iz sudskog registra sa priložima o registraciji djelatnosti koja je predmet javnog nadmetanja i

b) Važeća potvrda (rješenje) o upisu u registar proizvođača ili veletrgovaca medicinskih sredstava izdato od Agencije za lijekove i medicinska sredstva BiH

Član 5.

Izabrani ponuđač ne mora dostavljati dokumentaciju iz člana 4. ove Odluke iz razloga jer je uz svoju ponudu dostavio ovjerenu fotokopiju sljedeće dokumentacije:

a) Aktuelni izvod iz sudskog registra, od 03.03.2023. godine- ovjerena fotokopija 10.04.2023. godine,

b) Rješenje o upisu ponuđača u registar veleprometnika medicinskih sredstava izdato od Agencije za lijekove i medicinska sredstva BiH, broj: 10-07.12-2-7203-4/22 od 20.10.2022. godine- ovjerena fotokopija 10.04.2023. godine.

Dokumentacija iz stava 1. ovog člana evidentirana je u Zapisniku o pregledu i ocjeni ponuda, broj: 01-2.13-1521/23 od 12.04.2023. godine, a u podtački 2.3. tenderske dokumentacije, broj: 01-2.12-928/23 od 30.03.2023. godine propisano je da ponuđač može u ponudi dostaviti ovjerenu fotokopiju dokazne dokumentacije iz podtački 2.1. i 2.2. tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.

Član 6.

Ova odluka stupa na snagu danom donošenja.

Obrazloženje

Obavještenjem o nabavci br. **638-7-1-86-3-44/23** koje je objavljeno na portalu javnih nabavki dana 30.03.2023. godine i u Službenom glasniku BiH br. 24/23 od 07.04.2023.godine pokrenut je konkurentski zahtjev za dostavu ponuda za nabavku medicinskih rukavica za JU „Dom zdravlja“ Zavidovići.

Tendersku dokumentaciju za predmetnu nabavku, sa portala javnih nabavki preuzelo je 14 ponuđača i to: HAS GROUP D.O.O., EKAPIJA DOO, R&S D.O.O. SARAJEVO, BBS EUROPE, CHERKA COMPANY D.O.O., ORTOPEDIJA INTERNATIONAL D.O.O., DESINFECTA D.O.O., "PRO-TEN MEDICAL" D.O.O. GRAČANICA, KRAJINAGROUP D.O.O. BANJA LUKA, DERBY TRADE D.O.O., „MEDICOM,, D.O.O., PRIZMABL D.O.O., DEFTER DOO SARAJEVO i TKAONICA ĆILIMA D.D.

Na adresu JU "Dom zdravlja" Zavidovići, za nabavku medicinskih rukavica –LOT 1 HIRURŠKE RUKAVICE dostavljena je jedna ponuda i to: PRO-TEN MEDICAL D.O.O. GRAČANICA.

Komisija za javne nabavke (u daljem tekstu: Komisija) izvršila je otvaranje ponuda za LOT 1, dana 10.04.2023. godine u Sali za sastanke u JU «Dom zdravlja» Zavidovići u 15,00 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da ponuda odgovara uslovima iz tenderske dokumentacije, odnosno da je prihvatljiva ponuda, te je predloženo da se ista prihvati kao najpovoljnija u vrijednosti od **1.680,00 KM bez PDV-a**, a što sa PDV-om iznosi 1.965,60 KM sa PDV-om.

Procijenjena ukupna vrijednost za LOT 1 bila je 1.700,00 KM bez PDV-a.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku medicinskih rukavica – LOT 1 HIRURŠKE RUKAVICE, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine), jer je u članu 3. istog Pravilnika propisano: "U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona."

Kako se e-aukcija nije mogla zakazati ovaj ugovorni organ je postupio u skladu sa članom 3. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti navesti u zapisniku o evaluaciji ponuda.

Kako ugovorni organ nema mogućnost da zakaže planiranu e-aukciju iz razloga što je primio samo jednu prihvatljivu ponudu, to će okončati ovaj postupak nabavke u skladu sa članom 69. Zakona o javnim nabavkama, odnosno dodjelom okvirnog sporazuma ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog konkurentskog zahtjeva za dostavu ponuda za nabavku medicinskih rukavica – LOT 1 HIRURŠKE RUKAVICE, za JU „Dom zdravlja“ Zavidovići, shodno odredbi člana 88. i 89. Zakona o javnim nabavkama Bosne i Hercegovine, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka

DOSTAVLJENO:

1. Pro-ten medical d.o.o. Gračanica
2. a/a



**PREDSJEDNIK
UPRAVNOG ODBORA:**
Mehić Elvir, dipl. pravnik